

Takaful Walimatul Urus

Walimatul Urus Takaful



TBK

Takaful Operator

TBK Directory

Head Office

Unit 1, Level 1 Dar Takaful IBB Utama
Jalan Pemancha, Bandar Seri Begawan BS8711
Negara Brunei Darussalam

TBK Claims Unit

Tel : +673 223 1100

TBK Call Centre

+673 223 1100

TBK Whatsapp

+673 737 1100

PERLINDUNGAN & SIMPANAN | PROTECTION & SAVINGS



Apa Erti Takaful?

Dalam bahasa Arab, kata dasar bagi perkataan “Takaful” ialah diambil daripada perkataan ‘Kafala’ yang bererti untuk menjamin, menjaga atau memelihara. Takaful bermaksud saling jamin-menjamin. Di dalam tafsiran Syara’, Takaful ialah satu pakatan kumpulan atau peserta yang bersetuju untuk saling JAMIN-MENJAMIN dan TOLONG-MENOLONG antara satu sama lain.

Ini bertepatan dengan Hadith Rasulullah S.A.W. yang bermaksud, *“Dan Allah menolong hambanya selagi hambanya menolong saudaranya”* – Makna Hadith riwayat Imam Muslim

Apa Tujuan Takaful?

Sistem Takaful adalah satu sistem saling berkerjasama dan saling jamin-menjamin berdasarkan kepada prinsip Al-Quran “At-Ta`awuni”, atau ia adalah satu saluran yang mana membolehkan individu berikhtiar untuk **SALING BANTU-MEMBANTU BAGI MENGHADAPI DAN BERKONGSI RISIKO** serta **MENYEDIAKAN MANFAAT BAGI MENGURANGKAN BEBAN KEWANGAN SESAMA MEREKA**.

Apakah Ciri Utama Yang Membezakan Takaful dan Insurans Konvensional?

- Terdapat unsur **`IBADAT** yang membawa ganjaran pahala
- Terdapat unsur TA`AWUN (**BANTU-MEMBANTU**)
- Terdapat unsur TABARRU’ (**DERMA IKHLAS BERTUJUAN**)
- Tiada unsur RIBA’ (**BUNGA ATAU FAEDAH**)
- Tiada unsur MAISIR (**PERJUDIAN**)
- Tiada unsur GHARAR (**KETIDAKPASTIAN**)
- Ada perkongsian keuntungan dari pelaburan (**AL-MUDHARABAH**)

Asas Aqad Perniagaan Takaful

1. **Takrif Tabarru’ (Derma Ikhlas Bertujuan)**
Tabarru’ merupakan perkataan Arab yang bermaksud menderma secara ikhlas. Dalam konteks perniagaan Takaful, setiap peserta yang ingin mendapatkan perlindungan Takaful mestilah hadir dengan niat yang ikhlas untuk menderma sumbangan (ke dalam Dana Takaful) mengikut apa yang telah ditetapkan bersesuaian dengan tingkat risiko yang dibawanya bagi membantu para peserta yang lain jika mereka menghadapi musibah dan Pengendali Takaful akan menetapkan kadar tertentu untuk memberikan keadilan kepada semua pihak. Dalam erti kata lain yang lebih tepat ialah, semua peserta tersebut bersetuju untuk

saling membantu di kalangan mereka di atas niat yang sama. Adapun Sistem Tabarru` ini adalah sistem yang paling utama di dalam sistem Takaful yang mana ianya menjadikan Takaful bebas daripada elemen Riba, Gharar dan Maisir.

2. **Al-Wakalah**
Perkataan Al-Wakalah adalah diambil daripada perkataan bahasa Arab “Wakeel” yang membawa maksud perwakilan. Dalam konsep ini, peserta membuat aqad yang membenarkan pengendali Takaful yang dilantik sebagai wakil untuk menjaga serta menguruskan dana-dana Takaful.
3. **Al-Mudharabah (Amanah Berkongsi Keuntungan)**
DalamkonteksTakaful,Al-Mudharabahbermaksudperjanjian di antara Peserta sebagai Rab al-Mal (Penyumbang Dana) dan Pengendali Takaful sebagai Mudharib (Pengusaha Dana) yang mana Peserta bersetuju membenarkan Pengendali Takaful menguruskan dana Takaful termasuk pelaburan yang halal bagi dana Takaful tersebut. Sebarang keuntungan yang diperoleh daripada pelaburan akan dibahagi dan dikongsi di antara peserta dan pengendali Takaful mengikut nisbah yang telah dipersetujui.

Takaful Walimatul Urus

Pengenalan

Bagi setiap orang Islam mengikat tali perkahwinan sebagaimana menurut syara’ bagi yang mampu patutlah disegerakan. Para remaja lelaki atau perempuan dalam membuat persiapan bukanlah setakat dari mengetahui hukum-hukum didalam perkahwinan tetapi khususnya bagi para remaja lelaki ialah dari segi persiapan kewangan.

Firman and Hadis

Allah s.w.t mengingatkan kita dengan firmanNya:

“Hai pemuda! Barang siapa dari antaramu mampu menikah hendaklah ia nikah, kerana yang demikian itu amat menundukkan pemandangan dan amat memelihara kehormatan, tetapi barang siapa tidak mampu, maka hendaklah ia puasa, kerana (puasa) itu menahan nafsu baginya”

(Riwayat Ahmad, Bukhari dan Muslim dari Ibnu Mas’ud)

Sebagaimana Rasullullah s.a.w bersabda di dalam hadis yang berbunyi:

“Nikah adalah sunnahku dan barang siapa yang tidak suka terhadap sunnahku, maka ia bukanlah dari umatku.”

“Seseorang yang telah menikah itu, sungguh telah menyempumakan sebahagian dari agamanya, maka takutlah kepada Allah mengenai sebahagian yang lain”

Takaful Walimatul Urus

Berlandaskan menurut syara’ Takaful Brunei Keluarga Sdn Bhd menyediakan satu pelan khas, Takaful Walimatul Urus bagi para remaja lelaki atau perempuan dalam membuat persiapan diri bagi mendirikan rumahtangga.

Pelan ini juga dihasratkan bagi ibubapa yang berhasrat membuat tabungan bagi anak-anak mereka sebagai hibah atau hadiah untuk perkahwinan anak-anak mereka pada masa akan datang.

Tujuan

Tujuan asas pelan ini ialah menggalakkan seseorang membuat tabungan secara lebih teratur dan sistematik.

Dengan tujuan tabungan bagi menuju kepada perkara yang berkeabajikan ini adalah sebagai satu ibadah semata-mata kerana Allah Subhanahu Wataala.

Skop Perlindungan

Skop perlindungan bagi pelan ini hanya meliputi kematian sahaja.

Tempoh Penyertaan

Dengan mengikut jumlah amaun yang dipakejkan dan ansuran caruman Takaful bulanan yang boleh disertai adalah bagi tempoh penyertaan selama 5, 10 dan 15 tahun.

Ansuran Caruman Takaful

Amaun ansuran caruman Takaful bagi pelan ini adalah mengikut kemampuan peserta masing-masing, namun demikian Takaful Brunei Keluarga Sdn Bhd telah menetapkan amaun minima mengikut tempoh yang dipilih seperti:

<i>Tempoh</i>	<i>Caruman</i>
5 Tahun	B\$100
10 Tahun	B\$50
15 Tahun	B\$35

Perlindungan Tambahan

Manfaat kematian sebanyak B\$1,000 adalah diberikan sebagai perlindungan tambahan pelan ini bagi anak kepada peserta (ibubapa) yang berhasrat membuat tabungan bagi anak-anak mereka sebagai hibah atau hadiah untuk perkahwinan anak-anak mereka pada masa akan datang. Ansuran caruman tambahan yang perlu dibayar adalah secara bulanan sebanyak B\$1.00 sahaja.

Kelayakan

Pelan Takaful ini boleh disertai oleh setiap orang Islam perseorangan yang berumur diantara 18 tahun hingga 40 tahun.

Cara Pengendalian

Ansuran caruman Takaful yang dibayar oleh peserta akan diuruskan melalui konsep Syara’ yang dijalankan berasaskan Tabarru’ dan Al-Mudharabah.

Akaun Peserta & Akaun Khas Peserta

Amaun ansuran caruman Takaful akan dimasukkan ke dalam Kumpulanwang Takaful Keluarga. Didalam Kumpulanwang Takaful Keluarga, amaun ansuran caruman akan dibahagikan kepada dua akaun iaitu **Akaun Peserta** dan **Akaun Khas Peserta**.

Sebahagian besar ansuran caruman tersebut dikreditkan ke dalam Akaun Peserta (AP) untuk tujuan tabungan waqaf. Sementara bakinya dikreditkan ke dalam Akaun Khas Peserta (AKP) sebagai tabarru’ (derma) bagi tujuan khairat kematian.

Ansuran caruman ini akan dilabur mengikut cara-cara yang sesuai oleh Takaful Brunei Keluarga Sdn Bhd untuk mendapatkan keuntungan.

Tabarru’ (Derma)

Kadar pembahagian ansuran caruman untuk dimasukkan ke dalam Akaun Peserta dan Akaun Khas Peserta adalah mengikut umur peserta:

Skop Perlindungan Kematian

Kumpulan Umur	Tempoh Matang		
	5 Tahun	10 Tahun	15 Tahun
(Tahun)			
18 – 25	1.0%	2.0%	3.5%
26 – 30	1.0%	2.0%	3.5%
31 – 35	1.0%	2.5%	4.5%
36 – 40	1.2%	3.5%	6.0%

Matang

Apabila peserta masih hidup pada tempoh penyertaan matang manfaat Takaful akan dibuat adalah seperti contoh berikut:

Umur	30 tahun
Tempoh	10 tahun
Ansuran caruman bulanan	BND\$100
Tabarru’	2.0%

Akaun Peserta : BND\$98 x 12 x 10 =	BND\$11,760
(bayaran bulanan selama 10 tahun dari tarikh masuk hingga ke tarikh matang) berserta keuntungan dari pelaburan selama tempoh 10 tahun, sebagai contoh	BND\$500

Akaun Khas Peserta :	
apa-apa lebihan yang ditentukan oleh Takaful Brunei Keluarga Sdn Bhd, jika ada.	
Jumlah amaun =	BND\$ 12,260
	+ apa-apa lebihan yang ditentukan oleh Takaful Brunei Keluarga Sdn Bhd.

Kematian

Jika ditakdirkan peserta meninggal dunia ditahun ke tiga penyertaan maka manfaat Takaful adalah seperti berikut (berpandukan contoh di muka sebelah):

Akaun Peserta : BND\$98 x 12 x 3 =	BND\$3,528
(Bayaran bulanan selama 3 tahun dari tarikh masuk hingga tarikh kematiannya) berserta keuntungan dari pelaburan selama tempoh 3 tahun, sebagai contoh	BND\$100

Akaun Khas Peserta : BND\$100 x 12 x 7 =	BND\$8,400
(Baki ansuran caruman yang sepatutnya dibayar sekiranya Peserta masih hidup hingga ke tarikh matang)	
Jumlah amaun =	BND\$12,028

Cara Penyertaan

Penyertaan dalam pelan ini ialah dengan mengisikan Borang Cadangan dan Akuan yang boleh didapati secara percuma dari Ibu Pejabat dan mana-mana semua cawangan Takaful Brunei Keluarga Sdn Bhd yang berdekatan.

Borang penyertaan yang telah lengkap diisi hendaklah dikembalikan kepada Takaful Brunei Keluarga Sdn Bhd berserta ansuran caruman yang pertama.

Sijil Takaful penyertaan akan dikeluarkan sebagai tanda berkuatkuasa penyertaan awda dalam Takaful Walimatul Urus.

Penyertaan bagi pelan ini tidak dikehendaki menjalani pemeriksaan doktor.

Issued by Takaful Brunei Keluarga Sdn Bhd. Formerly known as Takaful BIBD Sdn Bhd.